

Uunga siunnersuut: Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. xx, yy 2016-imeersoq

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Saqqummiussinermut allakkiaq

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Siullermeenera

Siunnersuut Naalakkersuisut piffissami matumani inuussutissarsiornermut inatsisiliornermik nutarterinerannut kukkuniuinerannullu ilaavoq.

Siunnersuutip kingunerissavaa kalaallit suliffeqarfiisa aamma inatsisit naapertorlugit ingerlatsiviisa siunissami Qitiusumik Suliffeqarfinnik Nalunaarsuiffimmi nalunaarsorneqartalernissaat, aammalu Inuussutissarsiummik ingerlataqartunik nalunaarsuiffiup tamatumunnga atatillugu atorunnaarnissaa nassatarissallu.

Qitiusumik Suliffeqarfinnik Nalunaarsuiffimmi nalunaarsorneqalernissaq alloriarnerusaaq siulleq kalaallit suliffeqarfiisa digitaliusumik ilisarnaateqalernissaannut. Tamannalu nunatsinni inuussutissarsiortut ujartorpaat.

Siunnersuullu taamaattumik tusarniaavigineqartunit tapersorneqarluarpoq.

Siunnersuut 1. januar 2018-imi atortuulertussatut piareersarneqarpoq, atortuulernissaanut naammattumik piffissaqartitsiumalluni.

Taamatut oqaaseqarlunga siunnersuut Inatsisartunut inussiarnersumik suliarineqarnissaanut tunniuppara.